

La flamo de la Revolucio plu vivas en mar?o Zapata



Foto: Ventura de Jesús García

Havano, apr 15 (RHK) La neforgeseblaj tagoj de la 16-a ĝis la 19-a de aprilo servas kiel esenca instigo por promocii sociajn kaj ekonomiajn projektojn en ĉi tiu emblema municipo.

Kiel evidentiĝis en tiu vespermanĝo kiun Fidel okazigis kun la karboministoj, kiam la Revolucio ĝus komencis sian venkan marŝon, ĉi tiu grandega laboro ne neglektas la lokon, kie vivis ne nur multaj humilaj kaj forgesitaj homoj, sed kie okazis evento, kiu por ĉiam markis la historion de la imperiismaj kaj soldulinvaldoj en la Amerikoj kaj la resto de la mondo kun honto.

Tial la neforgeseblaj tagoj de la 16-a ĝis la 19-a de aprilo servas kiel esenca instigo por antaŭenigi sociajn projektojn, kiuj, de la fruaj jaroj de la Revolucio ĝis la nuntempo, estis ĝlosila komponanto por certigi, unue, la dignon de la karboministaj familioj kaj poste, ilian plenan aliron al la tuta socia bonfarto.

Inter la novaj projektoj estas infana hejmo kun kapablo prizorgi dek infanojn de laborantaj patrinoj en la urbo Playa Girón. Tio estas unu el la agoj, kiuj okazas en ĉi tiu teritorio, memore al la 64-a datreveno de

la kuba venko la 19-an de aprilo 1961.

Bienvenido Roig Chirino, unua sekretario de la Partio en tiu municipo de Matanzas, klarigis, ke la centro estas sub la aŭspicioj de la Ministerio pri Turismo en la provinco kaj donas solvon al longdaŭra postulo, ŝefe de laborantaj patrinoj en la turisma vilaĝo de la urbo.

Alia projekto kiu estos disponigita al la loĝantoj de la vilaĝo, en tiu ĉi popola konsilio, estas la konstruado de funebra kapelo.

Laŭ Roig Chirino, ankaŭ estas laboroj por revivigi la Muzeon Girón, krei novan mikrobiologian laboratorion kaj kompletigi frostĉambron por konservado de fiŝoj. Novaj komunikaj Etecsa-servoj ankaŭ estas aldonitaj al la komunumoj de Soplillar, Pálpite, kaj Los Hondones.

Kiel nova evoluo, la entrepreno René Ramos Latour komencas eksportadon de ruĝaj kraboj, krustacoj kiuj ĉis nun estis konsiderataj neprofiteblaj pro sia alta tokseco.

Rilate manĝaĵon, li emfazis la plej okulfrapan aspekton de la produktado, unuafoje en la teritorio, de kvin hektaroj da importitaj semoj de terpomoj, kun favora bilanco.

Fonto: Granma

<https://www.radiohc.cu/eo/noticias/nacionales/380898-la-flamo-de-la-revolucio-plu-vivas-en-marco-zapata>



Radio Habana Cuba